

CURRENTA I.

A. D. 1865.

N. 402.

**Antiqua monita de servandis in statu clericali.. renovata ad exordium
anni 1865.**

MONITUM I. „*Sancti erunt Deo sup et non polluent nomen ejus; incensum enim Domini et panes Dei sui offerunt, et ideo sancti erunt.*“ *Lev. XXI. 6.*

Habitu suscipe non ex levitate, avaritia, ambitione... sed vocante Deo, perfectionis studio, zelo salutis tuæ et proximi.

Incede in habitu gravi, modesto, mundo, canonico seu præscripto.

Esto Episcopo tuo.. obediens in præceptis, decretis, monitis, obsequens corde, verbo, opere.

Fuge domus suspectas — mulierculas — ludos — choreas — theatra — venationes — contemptus Episcopi, sussurationes in Superiorem, tumultus quoscunque.. viles famulatus ex turpi œconomia, avaritiam ex munerum acceptatione, ex importunis exactionibus, ex rei alienæ administratione.

MONITUM II. *Perfectus eris et absque macula.* Deut. XVIII.

Exemplum esto fidelium in scientia — divina, ecclesiastica, civili.. prudentia in consiliis, judiciis, imperiis.. modestia et gravitate in indumentis, sermonibus, moribus.

Exemplum esto fidelium.. liberalitate in peregrinos, pauperes, templa.. temperantia in divitiis, conviviis, solatiis.. integritate coram Deo, hominibus, Te ipso, obsequiis et amore erga sanctam ecclesiam, summum Pontificem.

MONITUM III. *Mundamini, qui fertis vasa sacra Domini.* Is. LIII. *Sacerdotes induantur justitiam* Ps. 131.

Perpende muneris tui dignitatem, angelicis, humeris formidandam, regia celsitudine celsiorem, omnibus venerabilem.

Perpende muneris tui potestatem.. in corpus et sanguinem Domini.. in remissionem peccatorum, in dæmones.. obligationem studendi.. angelicæ puritati, seraphico fervori, progressui in virtutibus.

Per quod factus es interpres et legatus Dei, sacerdos in æternum, mediator inter Deum et homines, dispensator mysteriorum cœlestium.

Cave itaque, ne sis.. sacrorum contemptor, Ecclesiæ parum obsequens, pericu-